

四庫全書

史部

欽定四庫全書

唐書卷三十六

宋翰林學士歐陽修撰

志第二十六

五行志

五行傳曰簡宗廟不禱祠廢祭祀逆天時則水不潤下  
謂水失其性百川逆溢壞鄉邑溺人民而為災也又曰  
聽之不聰是謂不謀厥咎急厥罰常寒厥極貧時則有

鼓妖時則有豕禍時則有耳病時則有雷電霜雪雨雹  
黑青黑祥惟火沴水水不潤下貞觀三年秋貝譙鄆泗  
沂徐濠蘇隴九州水水太陰之氣也若臣道顓女謁行  
夷狄彊小人道長嚴刑以逞下民不堪其憂則陰類勝  
其氣應而水至其謫見於天月及辰星與列星之司水  
者為之變若七曜循中道之北皆水祥也四年秋許戴  
集三州水七年八月山東河南州四十大水八年七月  
山東江淮大水十年關東及淮海旁州二十八大水十

一年七月癸未黃氣際天大雨穀水溢入洛陽宮深四尺壞左掖門毀官寺十九洛水漂六百餘家九月丁亥河溢壞陝州之河北縣及太原倉毀河陽中渾十六年秋徐戴二州大水十八年秋穀襄豫荆徐梓忠縣宋亳十州大水十九年秋沁易二州水害稼二十一年八月河北大水泉州海溢驪州水二十二年夏瀘越徐交渝等州水永徽元年六月新豐渭南大雨零口山水暴出漂廬舍宣歙饒常等州大雨水溺死者數百人秋齊定

等州十六水二年秋汴定濮毫等州水四年杭夔果忠  
等州水五年五月丁丑夜大雨麟游縣山水衝萬年宮  
玄武門入寢殿衛士有溺死者六月河北大水滹沱溢  
損五千餘家六年六月商州大水秋冀沂密滑汴鄭  
嫠等州水害稼洛州大水毀天津橋十月齊州河溢顯  
慶元年七月宣州涇縣山水暴出平地四丈溺死者二  
千餘人九月括州暴風雨海水溢壞安固永嘉二縣四  
年七月連州山水暴出漂七百餘家麟德二年六月郾

州大水壞居人廬舍總章二年六月括州大風雨海溢  
壞永嘉安固二縣溺死者九千七十人冀州大雨水平  
地深一丈壞民居萬家咸亨元年五月丙戌大雨山水  
溢溺死五千餘人二年八月徐州山水漂百餘家四年  
七月婺州大雨山水暴漲溺死五千餘人上元三年八  
月青州大風海溢漂居人五千餘家齊淄等七州大水  
永隆元年九月河南河北大水溺死者甚衆二年八月  
河南河北大水壞民居十萬餘家永淳元年五月丙午

東都連日澍雨乙卯洛水溢壞天津橋及中橋漂居民千餘家六月乙亥京師大雨水平地深數尺秋山東大雨水大饑二年七月己巳河溢壞河陽橋八月恒州滹沱河及山水暴溢害稼文明元年七月溫州大水漂千餘家括州溪水暴漲溺死百餘人如意元年四月洛水溢壞永昌橋漂居民四百餘家七月洛水溢漂居民五千餘家八月河溢壞河陽縣長壽二年五月棣州河溢壞居民二千餘家是歲河陽州十一水萬歲通天元年

八月徐州大水害稼神功元年三月括州水壞民居七百餘家是歲河南州十九水聖歷二年七月丙辰神都大雨洛水壞天津橋秋水溢懷州漂千餘家三年三月辛亥鴻州水漂千餘家溺死四百餘人久視元年十月洛州水長安三年六月寧州大雨水漂二千餘家溺死千餘人四年八月瀛州水壞居民數千家神龍元年四月雍州同官縣大雨水漂民居五百餘家六月河北州十七大水七月甲辰洛水溢壞民居二千餘家二年四



月辛丑洛水壞天津橋溺死數百人八月魏州水景龍  
三年七月澧水溢害稼九月密州水壞民居數百家開  
元三年河南河北水四年七月丁酉洛水溢沈舟數百  
艘五年六月甲申瀍水溢溺死者千餘人鞏縣大水壞  
城邑損居民數百家河南水害稼八年夏契丹寇營州  
發關中卒援之宿澠池之闕門營穀水上夜半山水暴  
至萬餘人皆溺死六月庚寅夜穀洛溢入西上陽宮宮  
人死者十七八畿內諸縣田稼廬舍蕩盡掌閑衛兵溺

死千餘人京師興道坊一夕陷為池居民五百餘家皆  
沒不見是年鄧州三鵝口大水塞谷或見二小兒以水  
相沃湏臾有蛇大十圍張口仰天人或斫射之俄而暴  
雷雨漂溺數百家十年五月辛酉伊水溢毀東都城東  
南隅平地深六尺河南許仙豫陳汝唐鄧等州大水害  
稼漂沒民居溺死者甚衆六月博州棣州河決十二年  
六月豫州大水八月兗州大水十四年秋天下州五十  
水河南河北尤甚河及支川皆溢懷衛鄭滑汴濮人或

巢或舟以居死者千計潤州大風自東北海濤沒瓜步十五年五月晉州大水七月鄧州大水溺死數千人洛水溢入鄜城平地丈餘死者無算壞同州城市及馮翊縣漂居民二千餘家八月澗穀溢毀澠池縣是秋天下州六十三大水害稼及居人廬舍河北尤甚十七年八月丙寅越州大水壞州縣城十八年六月壬午東都渰水溺揚楚等州租船洛水壞天津永濟二橋及民居千餘家十九年秋河南水害稼二十年秋宋滑兗鄆等州

大水二十二年秋關輔河南州十餘水害稼二十七年  
三月澧袁江等州水二十八年十月河南郡十三水二  
十九年七月伊洛及支川皆溢害稼毀天津橋及東西  
漕上陽宮伏舍溺死千餘人是秋河南河北郡二十四  
水害稼天寶四載九月河南淮陽睢陽譙四郡水十載  
廣陵大風駕海潮沈江口船數千艘十三載九月東都  
瀍洛溢壞十九坊廣德元年九月大雨水平地數尺時  
吐蕃寇京畿以水自潰去二年五月東都大雨洛水溢

漂二十餘坊河南諸州水大歷元年七月洛水溢二年  
秋湖南及河東河南淮南浙東西福建等道州五十五  
水灾七年二月江州江溢十年七月杭州海溢十一年  
七月戊子夜澍雨京師平地水尺餘溝渠漲溢壞民居  
千餘家十二年秋京畿及宋毫滑三州大雨水害稼河  
南尤甚平地深五尺河溢建中元年幽鎮魏博大雨易  
水滹沱橫流自山而下轉石折樹水高丈餘苗稼蕩盡  
貞元二年六月丁酉大風雨京城通衢水深數尺有溺

死者東都河南荆南淮南江河溢三年三月東都河南  
江陵汴揚等州大水四年八月灞水暴溢殺百餘人八  
年秋自江淮及荆襄陳宋至于河朔州四十餘大水害  
稼溺死二萬餘人漂沒城郭廬舍幽州平地水深二丈  
徐鄭涿薊檀平等州皆深丈餘八年六月淮水溢平地  
七尺沒泗州城十一年十月朗蜀二州江溢十二年四  
月福建二州大水嵐州暴雨水深二丈十三年七月淮  
水溢于亳州十八年春申光蔡等州大水永貞元年夏

朗州之熊武五溪溢秋武陵龍陽二縣江水溢漂萬餘家京畿長安等九縣山水害稼元和元年夏荆南及壽幽徐等州大水二年六月蔡州大雨水平地深數尺四年十月丁未渭南暴水漂民居二百餘家六年十月鄜坊黔中水七年正月振武河溢毀東受降城五月饒撫虔吉信五州暴水虔州尤甚平地有深至四丈者八年五月陳州許州大雨大隄山摧水流出溺死者千餘人六月庚寅大風毀屋揚瓦人多壓死京師大水城南深

丈餘入明德門猶漸車輻辛卯渭水漲絕濟時所在百川發溢多不由故道滄州水潦浸鹽山等四縣九年秋淮南及岳安宣江撫袁等州大水害稼十一年五月京畿大雨水昭應尤甚衢州山水害稼深三丈毀州郭溺死百餘人六月密州大風雨海溢毀城郭饒州浮梁樂平二縣暴雨水漂沒四千餘戶潤常朝陳許五州及京畿水害稼八月甲午渭水溢毀中橋十二年六月乙酉京師大雨水含元殿一柱傾市中水深三尺毀民居二



千餘家河南河北大水洺邢尤甚平地二丈河中江陵  
幽澤潞晉隰蘇台越州水害稼十三年六月辛未淮水  
溢十五年秋洪吉信滄等州水長慶二年七月河南陳  
許蔡等州大水好時山水漂民居三百餘家處州大雨  
水平地深八尺壞城邑桑田大半四年夏蘇湖二州大  
雨水太湖決溢睦州及壽州之霍山山水暴出鄆曹濮  
三州雨水壞州城民居田稼畧盡襄均復郢四州漢水  
溢決秋河南及陳許二州水害稼寶歷元年秋鄜坊二

州大水充海華三州及京畿奉天等六縣水害稼太和  
二年夏京畿及陳滑二州水害稼河陽水平地五尺河  
決壞棣州城越州大風海溢河南鄆曹濮淄青齊德充  
海等州並大水三年四月同官縣大水漂沒二百餘家  
宋亳徐等州大水害稼四年夏江水溢沒舒州太湖宿  
松望江三縣民田數百戶廂坊水漂三百餘家浙西浙  
東宣歙江西廂坊山南東道淮南京畿河南江南荆襄  
鄆岳湖南大水皆害稼五年六月玄武江漲高二丈溢

入梓州羅城淮西浙東浙西荆襄岳鄂東川大水害稼  
六年二月蘇湖二州大水六月徐州大雨壞居民九百  
餘家七年秋浙西及揚楚舒廬壽滁和宣等州大水害  
稼八年秋江西及襄州水害稼蘄州湖水溢滁州大水  
溺萬餘戶開成元年夏鳳翔麟遊縣暴雨水毀九成宮  
壞民舍數百家死者百餘人七月鎮州滹沱河溢害稼  
三年夏河決浸鄭滑外城陳許鄆坊鄂曹濮襄魏博等  
州大水江漢漲溢壞房均荆襄等州民居及田產殆盡

蘇湖處等州水溢入城處州平地八尺四年秋西川滄  
景溜青大雨水害稼及民廬舍德州尤甚平地水深八  
尺五年七月鎮州及江南水會昌元年七月江南大水  
漢水壞襄均等州民居甚衆大中十二年八月魏博幽  
鎮兗鄆滑汴宋舒壽和潤等州水害稼徐泗等州水深  
五丈漂沒數萬家十三年夏大水咸通元年潁州大水  
四年閏六月東都暴水自龍門毀定鼎長夏等門漂溺  
居人七月東都許汝徐泗等州大水傷稼九月孝義山

水深三丈破武牢關金城門汜水橋六年六月東都大水漂壞十二坊溺死者甚衆七年夏江淮大水秋河南大水害稼十四年八月關東河南大水乾符三年關東大水光化三年九月浙江溢壞民居甚衆乾寧三年四月河圯于滑州朱全忠決其堤因為二河散漫千餘里常寒顯慶四年二月壬子大雨雪方春少陽用事而寒氣脅之古占以為人君刑法暴濫之象近常寒也咸亨元年十月癸酉大雪平地三尺人多凍死儀鳳三年五

月丙寅高宗在九成宮霖雨大寒兵衛有凍死者開耀  
元年冬大寒久視元年三月大雪神龍元年三月乙酉  
睦州暴寒且冰開元二十九年九月丁卯大雨雪大木  
偃折大歷四年六月伏日寒貞元元年正月戊戌大風  
雪寒丙午又大風雪寒民饑多凍死者十二年十二月  
大雪甚寒竹栢柿樹多死占曰有德遭險厥灾暴寒十  
九年三月大雪二十年二月庚戌始雷大雨雹震電大  
雨雪既雷則不當雪陰脅陽也如魯隱公之九年元和

六年十二月大寒八年十月東都大寒霜厚數寸雀鼠  
多死十二年九月己丑雨雪人有凍死者十五年八月  
己卯同州雨雪害稼長慶元年二月海州海水冰南北  
二百里東望無際太和六年正月雨雪踰月寒甚九年  
十二月京師苦寒會昌三年春寒大雪江左尤甚民有  
凍死者咸通五年冬隰石汾等州大雨雪平地深三尺  
景福二年二月辛巳曹州大雪平地二尺天復三年三  
月浙西大雪平地三尺餘其氣如煙其味苦十二月又

大雪江海冰天祐元年九月壬戌朔大風寒如仲冬是冬浙東浙西大雪吳越地氣常燠而積雪近常寒也鼓妖武德三年二月丁丑京師西南有聲如崩山近鼓妖也說者以為人君不聰為衆所惑則有聲無形不知所從生天授元年九月檢校內史宗秦客拜日無雲而雷震近鼓妖也貞元十三年六月丙寅天晦街鼓不鳴中和二年十月西北方無雲而雷天復三年十月甲午有大聲出于宣武節度使廳事近鼓妖也魚孽如意中濟



源路敬淳家水碾柱將壞易之為薪中有鮎魚長尺餘  
猶生近魚孽也開元四年安南都護府江中有大蛇首  
尾橫出兩岸經日而腐寸寸自斷數日江魚盡死蔽江  
而下十十五五相附著江水臭神龍中渭水有蝦蟆大  
如鼎里人聚觀數日而失是歲大水元和十四年二月  
晝有魚長尺餘墜於鄆州市良久乃死魚失水而墜于  
市敗滅象也開成二年三月壬申有大魚長六丈自海  
入淮至濠州招義民殺之近魚孽也乾符六年汜水河

魚逆流而上至垣曲平陸界魚民象逆流而上民不從  
君令也光啟二年揚州雨魚占如元和十四年蝗武德  
六年夏州蝗蝗之殘民若無功而祿者然皆貪撓之所  
生先儒以為人主失禮煩苛則旱魚鰥變為蟲蝗故以  
屬魚孽貞觀二年六月京畿旱蝗太宗在苑中掇蝗祝  
之曰人以穀為命百姓有過在予一人但當蝕我無害  
百姓將吞之侍臣懼帝致疾遽以為諫帝曰所冀移灾  
朕躬何疾之避遂吞之是歲蝗不為灾三年五月徐州

蝗秋德戴廓等州蝗四年秋觀充遼等州蝗二十一年  
秋渠泉二州蝗永徽元年夔絳雍同等州蝗永淳元年  
三月京畿蝗無麥苗六月雍岐隴等州蝗長壽二年台  
建等州蝗開元三年七月河南河北蝗四年夏山東蝗  
蝕稼聲如風雨二十五年貝州蝗有白鳥數千萬羣飛  
食之一夕而盡禾稼不傷廣德二年秋蝗關輔尤甚米  
斗千錢興元元年秋螟蝗自山而東際于海晦天蔽野  
草木葉皆盡貞元元年夏蝗東自海西盡河隴羣飛蔽

天旬日不息所至草木葉及畜毛靡有孑遺餓殍枕道  
民蒸蝗曝颺去翅足而食之永貞元年秋陳州蝗元和  
元年夏鎮冀等州蝗長慶三年秋洪州螟蝗害稼八萬  
頃開成元年夏鎮州河中蝗害稼二年六月魏博昭義  
淄青滄州兗海河南蝗三年秋河南河北鎮定等州蝗  
草木葉皆盡五年夏幽魏博鄆曹濮滄齊德淄青兗海  
河陽淮南虢陳許汝等州螟蝗害稼占曰國多邪人朝  
無忠臣居位食祿如蟲與民爭食故比年蟲蝗會昌元

年七月關東山南鄧唐等州蝗大中八年七月劔南東  
川蝗咸通三年六月淮南河南蝗六年八月東都同華  
陝虢等州蝗七年夏東都同華陝虢及京畿蝗九年江  
淮關內及東都蝗十年夏陝虢等州蝗不絀無德虐取  
於民之罰乾符二年蝗自東而西蔽天光啟元年秋蝗  
自東方來羣飛蔽天二年荆襄蝗米斗錢三千人相食  
淮南蝗自西來行而不飛浮水緣城入揚州府署竹樹  
幢節一夕如翦幢幟畫像皆齧去其首撲不能止旬日

自相食盡豕禍貞觀十七年六月司農寺豕生子一首  
八足自頸分為二貞元四年二月京師民家有豕生子  
兩首四足首多者上不一也是歲宣州大雨震雷有物  
墮地如豬手足各兩指執赤班蛇食之頃之雲合不復  
見近豕禍也元和八年四月長安西市有豕生子三耳  
八足自尾分為二足多者下不一也咸通七年徐州蕭  
縣民家豕出園舞又牡豕多將隣里羣豕而行復自相  
噬齧乾符六年越州山陰民家有豕入室內壞器用街

按缶置於水次廣明元年絳州稷山縣民一豕生如人  
狀無眉目耳髮占為邑有亂雷電貞觀十一年四月甲  
子震乾元殿前槐樹震耀天之威怒以象殺戮槐古者  
三公所樹也證聖元年正月丁酉雷雷者陽聲出非其  
時臣竊君柄之象長安四年五月丁亥震雷大風拔木  
人有震死者延和元年六月河南偃師縣李材村有震  
電人民家地震裂闕丈餘長十五里深不可測所裂處  
井側相通或衝冢墓柩出平地無損李國姓也震電威

刑之象地陰類也永泰元年二月甲子夜震霆自是無  
雷至六月甲申乃雷大歷十年四月甲申雷電暴風拔  
木飄瓦人有震死者京畿害稼者七縣建中元年九月  
己卯雷四年四月丙子東都畿汝節度使哥舒曜攻李  
希烈進軍至潁橋大雨震電人不能言者十三四馬驢  
多死貞元十四年五月己酉夏至始雷元和十一年冬  
雷長慶二年六月乙丑大風震電落太廟鴟尾破御史  
臺樹大和八年三月辛酉定陵臺大雨震廡下地裂二



十有六步占曰士庶分離大臣專恣不救大敗會昌三年五月甲午始雷咸通四年十二月震雷乾符二年十二月震雷雨電乾寧四年李茂貞遣將符道昭攻成都至廣漢震雷有石隕于帳前霜貞觀元年秋霜殺稼京房易傳曰人君刑罰妄行則天應之以隕霜三年北邊霜殺稼永徽二年綏延等州霜殺稼調露元年八月邠涇寧慶原五州霜證聖元年六月睦州隕霜殺草吳越地燠而盛夏隕霜昔所未有四年四月延州霜殺草四

月純陽用事象人君當布惠于天下而反隕霜是無陽也開元十二年八月潞綏等州霜殺稼十五年天下州十七霜殺稼元和二年七月邠寧等州霜殺稼九年三月丁卯隕霜殺桑十四年四月淄青隕霜殺惡草及荊棘而不害嘉穀寶歷元年八月邠州霜殺稼太和三年秋京畿奉先等八縣早霜殺稼大中三年春隕霜殺桑中和元年春霜秋河東早霜殺稼電貞觀四年秋丹延址永等州電顯慶二年五月滄州大雨電中人有死者

咸亨元年四月庚午雍州大雨雹二年四月戊子大雨  
雹震電大風折木落則天門鵠尾三先儒以為雹者陰  
脅陽也又曰人君惡聞其過抑賢用邪則雹與雨俱信  
讒殺無罪則雹下毀瓦破車殺牛馬永淳元年五月壬  
寅定州大雨雹害麥禾及桑天授二年六月庚戌許州  
大雨雹證聖元年二月癸卯滑州大雨雹殺燕雀神功  
元年媯綏二州雹聖歷元年六月甲午曹州大雨雹久  
視元年六月丁亥曹州大雨雹長安三年八月京師大

雨電人畜有凍死者神龍元年四月壬子雍州同官縣  
大雨電殺鳥獸景龍元年四月己巳曹州大雨電二年  
正月己卯滄州雨電如鷄卵開元八年十二月丁未滑  
州大雨電二十二年五月戊辰京畿渭南等六縣大風  
電傷麥大歷七年五月乙酉雨電貞元二年六月丙子  
大雨電十七年二月丁酉雨電已亥霜戊申夜震霆雨  
電庚戌大雨雪而電五月戊寅好時縣風電害麥十八  
年七月癸酉大雨電元和元年鄜坊等州電十年秋鄜

坊等州風電害稼十二年夏河南雨電中人有死者十五年三月京畿興平醴泉等縣雹傷麥長慶四年六月庚寅京師雨電如彈丸大和四年秋邠坊等州雹五年夏京畿奉先渭南等縣雨電開成二年秋河南雹害稼四年七月鄭滑等州風電五年六月濮州雨電如拳殺人三十六牛馬甚衆會昌元年秋登州雨電文登尤甚破瓦害稼四年夏雨電如彈丸乾符六年五月丁酉宣授宰臣豆盧瑑崔沆制殿庭氛霧四塞及百官班賀于

政事堂雨雹如鳧卵大風雷雨拔木廣明元年四月甲申朔汝州大雨風拔街衢樹十二三東都有雲起西北大風隨之長夏門內表道古槐樹自拔者十五六宮殿鵠尾皆落雨雹大如杯鳥獸殪於川澤黑青黑祥大歷二年十二月戊戌黑氣如塵彌漫于北方黑氣陰沴也貞元四年七月自陝至河陰河水黑流入汴至汴州城下一宿而復近黑祥也占曰法嚴刑酷傷水性也五行變節陰陽相干氣色繆亂皆敗亂之象十四年潤州有

黑氣如隄自海門山橫亘江中與北固山相峙又有白  
氣如虹自金山出與黑氣交將旦而沒太和四年正月  
壬寅黑氣如帶東西際天咸通十四年七月僖宗即位  
是日黑氣如盤自天屬含元殿庭火沴水武德九年二  
月蒲州河清襄楷以為河諸侯象清陽明之效也貞觀  
十四年二月陝州泰州河清十六年正月懷州河清十  
七年十二月鄭州滑州河清二十三年四月靈州河清  
永徽元年正月濟州河清二年十二月衛州河清五年

六月濟州河清十六里調露二年夏豐州河清長安初  
醴泉坊太平公主第井水溢流又并州文水縣猷水竭  
武氏井溢神龍二年二月壬子洛陽城東七里地色如  
水樹木車馬歷歷見影漸移至都月餘乃滅長安街中  
往往見水影昔符堅之將死也長安嘗有是景龍四年  
三月庚申京師井水溢占曰君凶又曰兵將起開元二  
十二年八月清夷軍黃帝祠古井湧浪二十五年五月  
淄州棣州河清二十九年亳州老子祠九井涸復湧乾



元二年七月嵐州合河關河三十里清如井水四日而  
變寶應元年九月甲午太州至陝州二百餘里河清澄  
澈見底大歷末深州東鹿縣中有水影長七八尺遙望  
見人馬往來如在水中及至前則不見水建中四年五  
月乙巳滑州濮州河清十四年閏五月乙丑滑州河清  
貞元二十一年夏越州鏡湖竭是歲朗州熊武五溪水  
關占曰山崩川竭國必亡又曰方伯力政厥異水關開  
成二年夏旱揚州運河竭大中八年正月陝州河清咸

通八年七月泗州下邳雨湯殺烏雀水沸于火則可以  
傷物近火沴水也兩者自上而降烏雀民象中和三年  
秋汴水入于淮水鬪壞船數艘廣明元年夏汝州峴陽  
峯龍池涸近川竭也五行傳曰皇之不極是謂不建厥  
咎眊厥罰常陰厥極弱時則有射妖時則有龍蛇之孽  
時則有馬禍時則有下人伐上之病時則有日月亂行  
星辰逆行謂木金火水土沴天也常陰長安四年自九  
月霖雨陰晦至于神龍元年正月貞元二十一年秋連

月陰霑元和十五年正月庚辰至于丙申晝常陰晦微  
雨雪夜則晴霽占曰晝霧夜晴臣志得申咸通十四年  
七月靈州陰晦乾符六年秋多雲霧晦冥自旦及禺中  
乃解光啟元年秋河東大雲霧明年夏晝陰積六十日  
二年十一月淮南陰晦雨雪至明年二月不解景福二  
年夏連陰四十餘日霧長壽元年九月戊戌黃霧四塞  
霧者百邪之氣為陰冒陽本于地而應于天黃為土土  
為中宮神龍二年三月乙巳黃霧四塞景龍二年八月

甲戌黃霧昏濁不雨三年正月丁卯黃霧四塞十一月  
甲寅日入後昏霧四塞經二日乃止占曰霧連日不解  
其國昏亂開元五年正月戊辰昏霧四塞天寶十四載  
冬三月常霧起昏暗十步外不見人是謂晝昏占曰有  
破國至德二載四月賊將武令珣圍南陽白霧四塞上  
元元年閏四月大霧占曰兵起貞元十年三月乙亥黃  
霧四塞日無光咸通九年十一月龐勛圍徐州甲辰大  
霧昏塞至于丙午光化四年冬昭宗在東內武德門內

煙霧四塞門外日色皎然虹蜺武德初隋將堯君素守蒲州有白虹下城中唐隆元年六月戊子虹蜺亘天蜺者斗之精占曰后妃陰脅王者又曰五色迭至照于宮殿有兵延和元年六月幽州都督孫佺帥兵襲奚將入賊境有白虹垂頭于軍門占曰其下流血至德二載正月丙子南陽夜有白虹四上亘百餘丈元和十三年十二月丙辰有白虹闊五尺東西亘天會昌四年正月己酉西方有白虹咸通元年七月己酉朔白虹橫亘西方

九年七月戊戌白虹橫亘西方光啟二年九月白虹見  
西方十月壬辰夜又如之天復三年三月朔日有曲虹  
在日東北龍蛇孽貞觀八年七月隴右大蛇屢見蛇女  
子之祥大者有所象也又汾州青龍見吐物在空中光  
明如火墮地地陷掘之得玄金廣尺長七寸顯慶二年  
五月庚寅有五龍見于岐州之皇后泉先天二年六月  
京師朝堂塼下有太蛇出長丈餘有大蝦蟆如盤而目  
赤如火相與鬪俄而蛇入于大樹蝦蟆入于草蛇蝦蟆

皆陰類朝堂出非其所也開元四年六月郴州馬嶺山下有白蛇與黑蛇鬪白蛇長六七尺吞黑蛇至腹口眼血流黑蛇長丈餘頭穿白蛇腹出俱死天寶中洛陽有巨蛇高丈餘長百尺出芒山下胡僧無畏見之曰此欲決水瀦洛城即以天竺法呪之數日蛇死十四載七月有二龍鬪於南陽城西易坤上六龍戰於野文言曰陰疑於陽必戰至德元載八月朔成都丈人廟有肉角蛇見二載三月有蛇鬪於南陽門之外一蛇死一蛇上城

建中二年夏趙州寧晉縣沙河北有棠樹甚茂民祠之  
為神有蛇數百千自東西來趨北岸者聚棠樹下為二  
積留南岸者為一積俄有徑寸龜三繞行積蛇盡死而  
後各登其積野人以告蛇腹皆有瘡若矢所中刺史康  
日知圖其事奉三龜來獻四年九月戊寅有龍見于汝  
州城壕龍大人象其潛也淵其飛也天城壕失其所也  
貞元末資州得龍丈餘西川節度使韋臯匣而獻之百  
姓縱觀三日為煙所薰而死太和二年六月丁丑西北



有龍鬪三年成都門外有龍與牛鬪開成元年宮中有  
衆蛇相與鬪光化三年九月杭州有龍鬪于浙江水溢  
壞民廬舍占同天寶十四載光啟二年冬鄜州洛交有  
蛇見于縣署復見于州署蛇冬則蟄易曰龍蛇之蟄以  
存身也馬禍義寧二年五月戊申有馬生角長二寸末  
有肉角者兵象武德三年十月王世充僞左僕射韋霽  
馬生角當頂永隆二年監牧馬大死凡十八萬匹馬者  
國之武備天去其備國將危亡文明初新豐有馬生駒

二首同項各有口鼻生而死又咸陽牡馬生石大如升  
上微有綠毛皆馬禍也開元十二年五月太原獻異馬  
駒兩肋各十六肉尾無毛二十五年濮州有馬生駒肉  
角二十九年三月滑州刺史李邕獻馬肉鬣鱗臆嘶不  
類馬日行三百里建中四年五月滑州馬生角大和九  
年八月易定馬飲水因吐珠一以獻開成元年六月揚  
州民明齊家馬生角長一寸三分會昌元年四月桂州  
有馬生駒三足能隨羣于牧咸通三年郴州馬生角十

一年沁州綿上及和川牡馬生子皆死京房易傳曰方伯分威厥妖牡馬生子乾符二年河北馬生人中和元年九月長安馬生人京房易傳曰諸侯相伐厥妖馬生人一曰人流亡二年二月蘇州嘉興馬生角光啟二年夏四月僖宗在鳳翔馬尾皆咤蓬如篲咤怒象文德元年李克用獻馬二肘膝皆有鬣長五寸許蹄大如七寸甌人病武德四年太原尼志覺死十日而蘇貞觀十九年衛州人劉道安頭生肉角隱見不常因以惑衆伏誅

角兵象肉不可以觸者永徽六年淄州高苑民吳威妻  
嘉州民辛道護妻皆一產四男凡物反常則為妖亦陰  
氣盛則母道壯也顯慶二年普州有人化為虎虎猛噬  
而不仁儀鳳三年四月涇州獻二小兒連心異體初鵲  
觚縣衛士胡萬年妻吳生一男一女其胷相連餘各異  
體乃析之則皆死又產復然俱男也遂育之至是四歲  
以獻于朝永隆元年長安獲女魃長尺有二寸其狀怪  
異詩曰旱魃為虐如惓如焚是歲秋不雨至于明年正

月永隆二年九月萬年縣女子劉凝靜衣白衣從者數人升太史令廳問比有何災異令執之以聞是夜彗星見太史司天文歷候王者所以奉若天道恭授民時者非女子所當問載初中涪州民范端化為虎神功元年二月庚子有人走入端門又入則天門至通天宮閣及伏衛不之覺時來俊臣婢產肉塊如二升器剖之有赤蟲須臾化為蜂螫人而去久視二年正月成州有大人跡見長安中郴州佐史因病化為虎欲食其嬖擒之乃

人也雖未全化而虎毛生矣太極元年狂人段萬謙潛入承天門登太極殿升御牀自稱天子且言我李安國也人相我年三十二當為天子開元二十三年四月冀州獻長人李家寵八尺有五寸大歷十年二月昭應婦人張產一男二女貞元八年正月丁亥許州人李狗兒持杖上含元殿擊欄檻伏誅十年四月恒州有巨人跡見十五年正月戊申狂人劉忠詣銀臺稱白起令上表天下有火災十七年十一月翰林待詔戴少平死十有

六日而蘇是歲宣州南陵縣丞李嶷死已殯三十日而蘇元和二年商州洪崖冶役夫將化為虎衆以水沃之不果化長慶四年三月民徐忠信潛入浴室門竇歷二年十二月延州人賀文妻一產四男太和二年十月狂人劉德廣入含元殿咸通七年渭州有人生角寸許占曰天下有兵十三年四月太原晉陽民家有嬰兒兩頭異頸四手聯足此天下不一之妖是歲民皇甫及年十四暴長七尺餘長啜大嚼三倍如初歲餘死乾符六年

秋蜀郡婦人尹生子首如豕目在臍下占曰君失道光  
啟元年隰州溫泉民家有死者既葬且半月行人聞聲  
呼地下其家發之則復生歲餘乃死二年春鳳翔郿縣  
女子未齒化為丈夫旬日而死京房易傳曰茲謂陰昌  
賊人為王大順元年六月資州兵王全義妻如孕覺物  
漸下入股至足大拇痛甚折而生珠如彈丸漸長大如  
杯天祐二年五月潁州汝陰民彭文妻一產三男疫貞  
觀十年關內河東大疫十五年三月澤州疫十六年夏



穀涇徐戴號五州疫十七年夏澤濠廬三州疫十八年  
廬濠巴普榔五州疫二十二年鄉州大疫永徽六年三  
月楚州大疫永淳元年冬大疫兩京死者相枕於路占  
曰國將有恤則邪亂之氣先被于民故疫景龍元年夏  
自京師至山東河北疫死者千數寶應元年江東大疫  
死者過半貞元六年夏淮南浙西福建道疫元和元年  
夏浙東大疫死者大半太和六年春自劔南至浙西大  
疫開成五年夏福建台明四州疫咸通十年宣歙兩浙

疫大順二年春淮南疫死者十三四天鳴天寶十四載  
五月天鳴聲若雷占曰人君有憂貞元二十一年八月  
天鳴在西北中和三年三月浙西天鳴聲如轉磨無雲  
而雨元和十二年正月乙酉星見而雨占曰無雲而雨  
是謂天泣隕石永徽四年八月己亥隕石于同州馮翊  
十八光耀有聲如雷近星隕而化也庶民惟星在上而  
隕民去其上之象一曰人君為詐妄所蔽則然

唐書卷三十六

欽定四庫全書

史部  
唐書卷  
三十七至  
四十七至

詳校官編修<sub>臣</sub>錢樾

洗馬<sub>臣</sub>王坦修覆勘

覆校官庶吉士<sub>臣</sub>徐立綱

校對官主事<sub>臣</sub>李駿

謄錄舉人<sub>臣</sub>馮藍

欽定四庫全書

唐書卷三十七

宋翰林學士歐陽修撰

志第二十七

地理志

自秦變古王制亡始郡縣天下下更漢晉分裂為南北  
至隋滅陳天下始合為一乃改州為郡依漢制置太守  
以司隸刺史相統治為郡一百九十縣一千二百五十

五戶八百九十萬七千五百三十六口四千六百一萬  
九千九百五十六其地東西九千三百里南北一萬四  
千八百一十五里東南皆至海西至且末北至五原唐  
興高祖改郡為州太守為刺史又置都督府以治之然  
天下初定權置州郡頗多太宗元年始命併省又因山  
川形便分天下為十道一曰關內二曰河南三曰河東  
四曰河北五曰山南六曰隴右七曰淮南八曰江南九  
曰劔南十曰嶺南至十三年定簿凡州府三百五十八

縣一千五百五十一明年平高昌又增州二縣六其後  
北殄突厥頡利西平高昌北踰陰山西抵大漠其地東  
極海西至焉耆南盡林州南境北接薛延陀界東西九  
千五百一十一里南北一萬六千九百一十八里景雲  
二年分天下郡縣置二十四都督府以統之既而以其  
權重不便罷之開元二十一年又因十道分山南江南  
為東西道增置黔中道及京畿都畿置十五採訪使檢  
察如漢刺史之職天寶盜起中國用兵而河西隴右不

守陷於吐蕃至大中咸通始復隴右乾符以後天下大亂至於唐亡然舉唐之盛時開元天寶之際東至安東西至安西南至日南北至單于府蓋南北如漢之盛東不及而西過之開元二十八年戶部帳凡郡府三百二十有八縣千五百七十三戶八百四十一萬二千八百七十一口四千八百一十四萬三千六百九應受田一千四百四十萬三千八百六十二頃考隋唐地理之廣狹戶口盈耗與其州縣廢置其盛衰治亂興亡可以見



矣蓋自古為天下者務廣德而不務廣地德不足矣地雖廣莫能守也嗚呼盛極必衰雖曰勢使之然而殆忽驕滿常因盛大可不戒哉

關內道蓋古雍州之域漢三輔北地安定上郡及弘農隴西五原西河雲中之境京兆華同鳳翔邠隴涇原渭武寧慶鄜坊丹延靈威雄會鹽綏宥為鶻首分麟豐勝銀夏單于安北為實沈分商為鶻火分為府二都護府二州二十七縣百三十五其名山太白九嶷吳岐梁華

其大川涇渭灞滻厥賦絹綿布麻

京兆同華岐調綿餘州布麻開元二十五

年以闕輔寡蠶詔納米粟其河南河北非通漕州皆調絹以便關中

厥貢毛羽革角布席

弓刀上都初曰京城天寶元年曰西京至德二載曰中

京上元二年復曰西京肅宗元年曰上都

皇城長千九百一十五步

廣千二百步宮城在北長千四百四十步廣九百六十步周四千八百六十步其崇三大有半龍朔後皇帝常

居大明宮乃謂之西內神龍元年曰太極宮大明宮在禁苑東南西接宮城之東北隅長千八百步廣千八十

步曰東內本永安宮貞觀八年置九年曰大明宮以備太上皇清暑百官獻貲以助役高宗以風痺厭西內湫

溼龍朔三年始大興葺曰蓬萊宮咸亨元年曰舍元宮長安元年復曰大明宮興慶宮在皇城東南距京城之

東開元初置至十四年又增廣之謂之南內二十年築  
夾城入芙蓉園京城前直子午谷後枕龍首山左臨瀾  
岸右抵澧水其長六千六百六十五步廣五千五百  
七十五步周二萬四千一百二十步其崇丈有八尺

京兆府京兆郡本雍州開元元年為府厥貢水土稻麥

麴紫稗粟隔紗縠席韃氍蠟酸棗仁地骨皮櫻桃藕粉

天寶元年領戶三十六萬二千九百二十一口百九十

六萬一百八十八領縣二十

有府百三十一曰真化匡道水衡仲山新城寶泉善

信鳳神安業平香太清餘皆逸

萬年

赤本大興武德元年更名二年析置並陽縣七年省總章元年析置

明堂縣長安二年省天寶七載曰咸寧至德三載復故名有南望春宮臨瀛水西岸有北望春宮宮東有廣運

潭福陵在東二十五里

**長安**

亦總章元年析置乾封縣  
敬陵在東南四十里  
長安二年省有大安宮本

弘義後更名南五十里太和谷有太和宮武德八年置  
貞觀十年廢二十一年復置曰翠微宮龍山為苑元和

中以為翠微寺有子午關天寶二年尹韓朝宗引渭水  
入金光門置潭於西市以貯材木大厯元年尹黎幹自

南山開漕渠抵景風延  
喜門入苑以漕炭薪

**咸陽**

畿武德元年析涇陽始平  
置有望賢宮有便橋有興

寧陵又有順興平

畿本始平景龍二年中宗送金城公  
陵在咸陽原主降吐蕃至此改曰金城至德二載

更名西十八里  
有隋仙林宮

**雲陽**

赤武德元年析置石門縣三年以  
石門溫秀置泉州貞觀元年州廢

省溫秀更石門曰雲陽雲陽曰池陽八年省雲陽更池  
陽曰雲陽天授二年以雲陽涇陽醴泉三原置鼎州大

足元年州廢有堯山甘泉山凡禁樵採者著于志有古  
鄭白渠崇陵在北十五里嵯峨山貞陵在西北四十里

涇陽

幾

三原

次赤武德四年曰池陽六年曰華池析置三原隸泉州貞觀元年省復華池曰三原

永康陵在北十八里獻陵在東十八里莊陵在西北五里端陵在東十里

渭南

幾武德元年隸華州五年

還隸雍州天授二年析渭南慶山置鴻門縣以渭南慶山鴻門高陵櫟陽置鴻州尋省鴻門大足元年州廢西

十里有遊龍宮開元二十五年史置東十五里有隋崇業宮

昭應

次赤本新豐垂拱二年曰慶山神龍

元年復故名有宮在驪山下貞觀十八年置咸亨二年始名溫泉宮天寶元年更驪山曰會昌山三載以縣去

宮遠析新豐萬年置會昌縣六載更溫泉曰華清宮治湯井為池環山列宮室又築羅城置百司及十宅七載

省新豐更會昌縣及山曰昭應東三十五里有慶山垂拱二年涌出有清虛源本鳳凰有幽棲谷本鸚鵡中宗

以韋嗣立所居更名有旌儒鄉有廟故坑儒玄宗史名齊陵在東十六里

高陵

幾武德元年析置鹿苑縣

貞觀元年省西四十里有龍躍宮武德六年高祖以舊第置德宗以為修真觀有古白渠寶歷元年令劉仁師

請更水道渠成名曰劉公堰曰彭城同官幾有女富平次亦有荆山有鹽

十五里龍泉山元陵在西北二十五里檀山豐陵在東三十三里覽金山章陵在西北二十里簡陵在西北四

里藍田幾武德二年析置白鹿縣三年皆省有覆車山有藍

田關故峽關有庫谷谷有闕武德六年寧民令顏昶引南山水入京城永淳元年作萬全宮弘道元年廢鄠

幾有漢陂東南三十里有隋甘泉宮奉天次亦文明元年

時武功州之永壽置以奉乾陵陵在北五里梁山靖陵在東北十里乾寧二年以縣置乾州及覃王出鎮又

以畿內之好時武幾故上宜武德二年析醴泉置功監厓醴泉隸之好時貞觀八年廢上宜入岐陽

二十一年省好時岐陽復置上武功幾武德三年以武

州之鄠鳳泉置稷州又折始平置扶風縣四年以岐州

以開川鳳泉隸岐州盤屋武功隸雍州天授二年復以

武功始平奉天盤屋好時置稷州大足元年州廢有太

祖以舊第置宮後廢為慈德寺西原殤帝所葬醴泉次

武德元年折置溫秀縣後省醴泉貞觀十年營昭陵折

雲陽咸陽復置有芳山有九峻山昭陵在西北六十里

九峻山建陵在東北十華原幾義寧二年以華原宜君

八里武將山一名馮山同官置宜君郡並置土門

縣以隸之武德元年曰宜州貞觀十七年州廢省宜君

土門以華源同官隸雍州垂拱二年更華原曰永安天

授二年復以永安同官富平美原置宜州大足元年州

廢有永安宮長安二年置神龍元年復永安曰華原有

六

欽定四庫全書

唐書

蒲葑園宮天祐三年李茂貞墨制以縣置耀州

美原

纔咸亨二年析富平華原及同州之蒲城以故土門

縣置天祐二年李茂貞墨制以縣置鼎州

華州華陰郡上輔義寧元年析京兆郡之鄭華陰置垂

拱二年避武氏諱曰太州神龍元年復故名上元二年

又更名太州寶應元年復故名乾寧四年曰興德府縣

次畿赤光化三年復為州土貢鷄烏鶻伏苓伏神細辛

戶三萬三千一百八十七口二十二萬三千六百一十

三縣四

有府二十曰普樂豐源義全清義萬福修仁神水常興義津定城延壽羅文鄭邑宜義相原孝



德溫湯宣化懷德懷仁有鄭望有少華山東北三里有鎮國軍肅宗上元元年置鄭神臺宮本隋普德宮咸亨

二年更名西南二十三里有利俗渠引喬谷水東南十五里有羅文渠引小數谷水支分溉田皆開元四年詔

陝州刺史姜師度疏故華陰望垂拱元年更名仙掌天渠又立隄以捍水宮授二年析置潼津縣在關

口後隸號州聖歷二年來屬長安中省神龍元年復曰華陰上元二年曰太陰華山曰太山寶應元年復故名

有岳祠有潼關有渭津關有漕渠自苑西引渭水因石渠會蒲澹經廣運潭至縣入渭天寶三載韋堅開又有

永豐倉有臨渭倉四十八里有瓊岳宮故隋華陰宮顯慶三年更名東十三里有隋金城宮武德三年廢顯慶

三年復置西二十四里有教水渠開元二年姜師下邳度鑿以洩水宮五年刺史樊忱復鑿之使通渭漕

望本隸同州垂拱元年來屬東南二十里有櫟陽本畿金氏二陂武德二年引白渠灌之以置監屯故萬

年隸雍州武德元年更名又析置平陵縣三年更平陵曰衆邑貞觀八年省有煮鹽澤天祐三年來屬

同州馮翊郡上輔

武德元年更諸郡為州其沒于賊者事平乃更天寶三載以州為郡乾元

元年復以郡為州凡州郡縣無所更置者皆承隋舊

土貢韡韡二物皺紋吉莫麝

芑茨龍莎凝水石戶六萬九百二十八口四十萬八千

七百五縣八

有府二十六曰濟北唐安秦城太州大亭河東興德連邑伏龍溫湯安遠葉善南鄉

臨高瀼陽襄城崇道浙谷吉安長馮翊

望武德九年析置臨沮縣貞觀

九年省有沙苑南三十二里有興德宮在志武里高祖將趨長安所次

朝邑

望有長春宮武德三年析

置河濱縣貞觀元年省北四里有通靈陂開元七年刺史姜師度引洛堰河以溉田百餘頃乾元三年曰河西

隸河中府大厯三年復曰朝邑還隸  
同州有河濱祠西海祠小池有鹽  
**韓城**上武德八年徙置西韓州

貞觀八年州廢以韓城河西郃陽來屬天祐二年更名  
韓原有鐵有梁山有龍門山有關武德七年治中雲得

臣自龍門引河  
**郃陽**望有陽班湫貞元  
溉田六十餘頃  
四年堰濟谷水成  
**夏陽**本河西武  
德三年析

郃陽置又以河西郃陽韓城置西韓州乾  
元三年更河西曰夏陽隸河中後復來屬  
**白水**望  
**澄城**

望武德三年析置長  
寧縣貞觀八年省  
**奉先**本武德赤故蒲城開元四年更  
名隸京兆府橋陵在西北三

十里豐山秦陵在東北二十里金粟山景陵在西北二  
十里金熾山光陵在北十五里堯山惠陵在西北十里

有南池二大中年其  
一生鹽天祐三年來屬

商州上洛郡望土貢麝香弓材有洛源監錢官貞元七

年刺史李西華自藍田至內鄉開新道七百餘里迴山取塗人不病涉謂之偏路行旅便之戶八千九百二十

六口五萬三千八十縣六

有府二曰洵水王京有興平軍初在郿縣東原至德中徙

上洛

緊有熊耳山

豐陽

上

洛南

上有金有銅有鐵

商洛

望東有武關

上津

上義寧二年以上津豐利黃土置上津郡并置長利縣武德元年曰上州貞觀元年省長利八年州廢以黃土隸金州豐利隸乾元中下本安業萬歲通天元年析豐均州上津來屬

乾元

陽置景龍三年隸雍州景雲元年

來屬乾元元年更名

隸京兆尋復還屬

鳳翔府扶風郡赤上輔本岐州至德元載更郡曰鳳翔

二載復郡故名號西京為府上元二年罷京元年曰西

都未幾復罷都土貢榛實龍鬚席蠟燭戶五萬八千四

百八十六口三十八萬四百六十三縣九

有府十三曰岐山雍北道

清洛邑留谷岐陽文城邽邑

天興

次亦本雍至德二載曰鳳翔仍析置天興

三交鳳泉望苑邵吉山泉

縣寶應元年省

岐山

次畿貞觀七年析扶風岐山及京兆之上宜置岐陽縣八年省上宜

鳳翔入天興

入岐山永徽五年復置

扶風

次畿本漳川武德三年析岐山置以漳水名之貞觀

八年更名麟游

次畿義寧元年置以麟遊及京兆之上宜扶風郡之普潤置鳳棲郡二年以仁壽宮中獲

白麟更郡曰麟遊又以安定郡之鶉觚并析置靈臺縣  
隸之武德元年曰麟州貞觀元年州廢省靈臺入麟遊

以麟遊普潤來屬上宜還隸雍州鶉觚還隸涇州西五里有九成宮本隋仁壽宮義寧元年廢貞觀五年復置更名永徽二年曰萬年宮乾封二年復曰九成宮周垣千八百步并置禁苑及府庫官寺等又西三十里有永安宮貞觀普潤次畿有隴右軍貞元十年置十一年以八年置縣隸隴右經畧使元和元年更名保義

寶雞

次畿本陳倉至德二載更名東有渠引渭水入昇原渠通長安故城咸通三年開西南有大散

關有寶雞

次畿貞觀八年省入岐山天授二年復置東雞山號北十里有高泉渠如意元年開引水入縣城

又西北有昇原渠引汧水至咸陽垂拱初運岐隴水入京城

郿

次畿義寧二年置郿城郿人析置鳳泉縣

武德元年曰郿州以鳳泉來屬三年州廢以郿隸稷州七年來屬貞觀八年省鳳泉大歷五年權隸京兆有太

白山有鳳泉湯

蓋屋

本畿隸雍州武德二年析置終南縣貞觀八年省天寶元年更名宜壽至德二載復

故名乾寧中隸乾州天復元年來屬有駱谷關武德七年置有司竹園東南三十二里有隋宜壽宮有樓觀老子祠

邠州新平郡緊義寧二年析北地郡之新平三水置邠故作幽開元十三年以字類幽改土貢剪刀火筋華豆澡豆白蜜地膽戶二萬二千九百七十七口十二萬五

千二百五十縣四

有府十曰嘉陽宜祿公劉良杜胡陵琫川萬敵金池舜城宜山

新平

望有永定壘二

三水

緊有石門山北二十里有萬壽林大厯八年因風雷而成

永壽

上武德二年析新平置神龍元年隸雍州唐隆元年來屬

宜祿

中貞觀二年析新平及涇州之保定靈臺

欽定四庫全書

唐書

置有淺水原  
有長武城

右京畿採訪使治京城內

隴州汧陽郡上本隴東郡義寧二年析扶風郡之汧源  
汧陽南由安定郡之華亭置天寶元年更郡曰汧陽土  
貢榛實龍鬚席戶二萬四千六百五十二口十萬一百

四十八縣三

有府四曰大堆  
龍盤間川臨汧

汧源

上垂拱二年更華亭  
曰華川神龍元年復

故名元和三年省入汧源西有安戎關在隴山本大震  
關大中六年防禦使薛遠徙築更名有鐵有五節堰引  
隴水通漕武德八年水部郎中姜行本開後廢華亭有  
義寧軍大歷八年置貞元十三年築永信城于平戎川



汧陽

上有臨汧城太和元年

吳山

中本長蛇義寧二年置貞觀元年更名上元二年曰華山尋復

曰吳山武德元年以南由縣置舍州四年州廢元和三年省入焉有西鎮吳山祠有紫超山西有安夷關一

涇州保定郡上本安定郡至德元載更名土貢龍鬚席

戶三萬一千三百六十五口十八萬六千八百四十九

縣五

有府六曰涇陽四門興教純德肅清仁賢

保定

上本安定至德元載更名廣德元年沒吐蕃大

歷三年復置有折撫故城

靈臺

上本鵠觚天寶元年更名

臨涇

中良原上興元二年沒吐蕃

貞元四年復置

潘原

中本陰盤天寶元年更名後省為彰信堡貞元十一年復置

原州平涼郡中都督府望廣德元年沒吐蕃節度使馬

璘表置行原州於靈臺之百里城貞元十九年徙治平涼元和三年又徙治臨涇大中三年收復關隴歸治平高廣明後復沒吐蕃又僑治臨涇土貢羶覆鞍羶龍鬚席戸七千三百四十九口三萬三千一百四十六縣二

有府二曰彭陽安善

**平高**

望有崆峒山西南有木峽關州境又有石門驛藏制勝石峽木靖等關并木峽

大盤為七關又南有瓦亭故關

**百泉**

上

渭州元和四年以原州之平涼縣置行渭州廣明元年為吐蕃所破中和四年涇原節度使張鈞表置凡乾元

後所置州皆無郡名及其季世所置州縣又不列上中

下之第縣一平涼

上廣德元年沒吐蕃貞元四年復置及為行渭州其民皆州自領之西南

隴山有六盤關有銀有銅有鐵西北  
五里有吐蕃會盟壇貞元三年築

武州中大中五年以原州之蕭關置中和四年僑治潘

原縣一蕭關

中貞觀六年以突厥降戶置緣州治平高  
之他樓城高宗置他樓縣隸原州神龍元

年省置蕭關縣白草軍在蔚  
茹水之西至德後沒吐蕃

寧州彭原郡望本北地郡天寶元年更名土貢五色覆

鞍氍龍鬚席光青亭長菴蘭假蘇戶三萬七千一百二

十一口二十二萬四千八百三十七縣五

有府十一曰彭池高望靜

難麟寶天國蒲川東原三會大延和泉永寧

定安

望義寧二年析置歸義縣十七年省入定平有定安

故真定

緊大羅川有要冊湫天寶元年獲王真人像二十七因更名

襄樂

緊

彭原

緊武

德元年以縣置彭州二年析置豐義縣貞觀元年州廢以彭原豐義來屬開元八年以豐義隸涇州尋復還屬

唐末

定平

上武德二年析定安置後隸邠州元和三年復來屬四年隸左神策軍有高撫城唐末以

縣置

汧州

慶州順化郡中都督府本弘化郡天寶元年曰安化至

德元載更名土貢胡女布牛酥麝蠟戶二萬三千九百

四十九口十二萬四千二百三十六縣十

有府八曰龍息交水同川

永清蟠交永

順化中本弘化天寶元年曰

合水

中本合川武德

業樂蟠永安  
元年置是年又析置蟠交縣貞觀元年省  
合川八弘化天寶元年更蟠交曰合水

樂蟠

中義寧元年析

合水

馬嶺

中

華池

下武德四年置以縣置  
林州貞觀元年州廢

同川

中下本三泉義

寧二年析彭原郡之彭  
源置武德三年更名

洛源

中貞觀三年置四年隸北  
永州五年徙州來治八年

州廢  
來屬

延慶

中本白馬武德六年徙故豐州  
民析合水置天寶元年更名

方渠

中下神龍三年

析馬  
嶺置

懷安

下開元十一年括逃  
戶連党項蕃落置

鄜州洛交郡上本上郡天寶元年更名土貢龍鬚席戶

二萬三千四百八十四口十五萬三千七百一十四縣

五

有府十一曰洛昌龍交葦川五交大同安光洛安銀方杏林修武安吉有肅戎軍大厯六年置在廊城

洛交

緊

洛川

上

三川

中華池水黑水洛水所會

直羅

中武德三年析三川洛交因古

直羅城置羅水過城下地平直故名

甘泉

中本伏陸武德元年析洛交置天寶元年更名

坊州中部郡上武德二年析廊州之中部廊城置土貢

龍鬚席泉弦麻戶二萬二千四百五十八口十二萬二

百八縣四

有府五曰杏城仁里思臣永平安臺

中部

上本內部武德二年更名周天和中元皇

帝為敷州刺史置馬坊高祖因以名州有鐵州郭無水東北七里有上善泉開成二年刺史張怡祭水入城以

紆遠汲四年刺史崔駢復增脩之民獲其利後思之為立祠

**宜君**

上本隸宜州有仁智宮武德七年置

貞觀十七年州廢縣亦省二十年置王華宮復置縣隸雍州宮在北四里鳳凰谷永徽二年廢宮為玉華宮縣

又省龍朔三年析中部同官復置來屬有鐵

**昇平**

上天寶十二年載析宜君置實應元年省後復置

**廊**

**城**

上唐末以縣置翟州

丹州咸寧郡上本丹陽郡義寧元年析延安郡之義川

汾川咸寧縣置天寶元年更名土貢龍鬚席麝蠟燭戶

萬五千一百五口八萬七千六百二十五縣四

有府五曰宜城

通天同化丹陽長松

**義川**

上

**雲巖**

中武德元年析義川置

**汾川**

上有鳥仁闕

**咸寧**

中

延州延安郡中都督府土貢樺皮麝蠟戶萬八千九百

五十四口十萬四十縣十

有府七散化延川寧戎因城塞門延安金明又儀鳳中吐

谷渾部落自涼州內附置二府于金明西境曰羌部落曰閣門

膚施

上有牢山鎮城延長中本

武德二年置以縣置北連川并置義鄉齊明二縣以隸之貞觀二年州廢省義鄉齊明入延安來屬廣德二年

更臨真

中武德元年隸東夏州貞觀二年州廢來屬

金明

中武德二年析膚施置以縣置北武

州并置開遠全義崇德永安定義五縣貞觀二年州廢省開遠全義崇德永安定義入金明來屬

豐林

中武德四年僑置雲州及雲中榆林龍泉三縣八年州廢省龍泉入臨真省雲中榆林入豐林東北有合嶺關



延川

上武德二年詔慰稽胡置基州又安撫使段德操表置義門縣以義門置南平州三年析綏州之城

平置魏平縣四年廢南平州省義門魏平五

敷政

中下

年更基州曰北基州貞觀八年州廢東屬

城武德二年徙治金城鎮更名金城又東境置永州并

置洛盤新昌土地三縣貞觀四年徙州治洛源及州廢

省洛盤新昌土地入金

城天寶元年曰敷政

延昌

武德二年置北仁州貞觀三年州廢十年以其地置

罷交縣天寶元年

更名其北蘆子闕

延水

中下奉安民武德二年析延州

原二縣貞觀二年州廢省修文桑原入安民隸北

基州州廢來屬二十三年曰弘風神龍元年更名

門山

上武德三年析分川置

隸丹州廣德二年來屬

靈州靈武郡大都督府土貢紅藍甘草花蓂蓉代赭白

膠青蟲鵬鵠白羽麝野馬鹿革野猪黃吉莫韡韡羶庫

利赤檉馬策印鹽黃牛臆戶萬一千四百五十六口五

萬三千一百六十三縣四

有府五曰武畧河間靜城鳴沙萬春有朔方軍經畧軍黃

河外有豐安定遠新昌等軍豐寧保寧等城

迴樂

望武德四年析置豐安縣貞觀四年於迴樂境置迴

州以豐安隸迴州十三年州廢省豐安有溫泉鹽池有特進渠溉田六百頃長慶四年詔開

靈武

上

懷遠

緊武德六年廢豐州省九原永豐二縣入焉隋九原郡也有鹽池三曰紅桃武平河池

保靜

上本弘靜神龍元年曰安靜至德元載更名

威州闕郡中本安樂州初吐谷渾部落自涼州徙於鄯州

不安其居又徙於靈州之境咸亨三年以靈州之故鳴

沙縣地置州以居之至德後沒吐蕃大中三年收復更

名光啟三年徙治涼州鎮為行州縣二鳴沙

上武德二年置會州

自觀六年州廢更置環州以大河環曲為名九年州廢還隸靈州神龍中為默啜所寇移治故豐安城咸亨三

年復得故縣

溫池

上本隸靈州神龍元年置大中四年來屬有鹽池

雄州在靈州西南百八十里中和元年徙治承天堡為

行州

警州本定遠城在靈州東北二百里先天二年朔方大

總管郭元振置其後為上縣隸靈州景福元年靈威節

度使韓遵表為州

羊馬城幅員十四里信安王禕所築

會州會寧郡上本西會州武德二年以平涼郡之會寧

鎮置貞觀八年以足食故更名粟州是年又更名土貢

駝毛褐野馬草覆鞍犢鹿舌鹿尾戶四千五百九十四

口二萬六千六百六十縣二

有新泉軍開元三年廢為守捉

會寧

上本涼川

武德二年更名開元四年別置涼川縣九年省有黃河  
振開元七年刺史安敬忠築以捍河流有河池因雨生

鹽東南有

烏蘭

上武德九年置  
西南有烏蘭關

鹽州五原郡下都督府本鹽川郡唐初沒梁師都武德  
元年僑治靈州貞觀元年州省以縣隸靈州二年師都  
平復置州天寶元年更郡曰五原貞元三年沒吐蕃九  
年復城之土貢鹽山木瓜紆牛戶二千九百二十九口

萬六千六百六十五縣二

有府一曰鹽川有保塞軍貞元十九年置

五原

上有

烏池白池細項池四无窪池鹽

白池

上本興寧貞觀元年與州俱省二年復置景龍二年更名

夏州朔方郡中都督府土貢羶角弓酥拒霜薺戶九千

二百一十三口五萬三千一十四縣三

有府二曰寧朔順化

朔方

上本島錄貞觀三年更名貞觀七年開延化渠引鳥水入庫狄澤溉田二百頃有鹽池二有天柱軍天寶十四載置寶應元年廢長慶四年節度使李祐築烏延宥州臨塞陰河陶子等城于蘆子關北以護塞外有木瓜嶺

靜德

中下貞觀七年隸北開州  
寧朔  
中下武德六年置  
八年曰化州十三年州廢  
南夏州貞觀二年

州廢縣省入朔方五年復置來屬長安二年省開元四年又置九年省其後又置

綏州上郡下本雕陰郡地唐初沒梁師都武德三年以歸民於延州豐林縣僑置六年徙治延川境七年徙治魏平貞觀二年師都平歸治上縣天寶元年更郡名土貢胡女布蠟燭戶萬八百六十七口八萬九千一百一

十二縣五

有府四曰伏洛義合萬古大斌

龍泉

中本上縣天寶元年更名

延福

中下武德

六年析置北吉州并置歸義洛陽二縣又析置羅州并置石羅闢善萬福三縣又析置匡州并置安定原泉二

縣貞觀二年州縣皆廢

綏德

中下武德二年置六年析置雲州并置信義淳義二縣又析置龍州并置

風鄉義良二縣貞觀二年州縣皆廢

城平

中下武德三年置魏州并置安故安泉二縣貞觀二年州廢省

安故安泉西南有魏平闕

大斌

中下武德七年徙治魏平城取稽胡懷化文武雜半以名

銀州銀川郡下貞觀二年析綏州之儒林真鄉置土貢

女稽布戶七千六百二口四萬五千五百二十七縣四

儒林

中東北有無定河

真鄉

中下西北有茹盧水

開光

中本隸綏州貞觀二年置八年隸柘

州十三年撫寧

中下本隸綏州  
貞觀八年來屬

宥州寧朔郡上調露元年於靈夏南境以降突厥置魯  
州麗州舍州塞州依州契州以唐人為刺史謂之六胡  
州長安四年併為匡長二州神龍三年置蘭池都督府  
分六州為縣開元十年復置魯州麗州契州塞州十年  
平康待賓遷其人於河南及江淮十八年復置匡長二  
州二十六年還所遷胡戶置宥州及延恩等縣其後僑  
治經畧軍至德二載更郡曰懷德乾元元年復故名寶



應後廢元和九年於經畧軍復置距故州東北三百里  
十五年徙治長澤為吐蕃所破長慶四年節度使李祐  
復奏置土貢羶戶七千八十三口三萬二千六百五十

二縣二延恩

中開元二十六年以故匡州地置又以故塞門縣地置懷德縣以故蘭州之長泉縣

地置歸仁縣實應後皆省元和九年復置延恩  
有經畧軍在榆多勒城天寶中王忠嗣奏置長澤

中

未隸夏州貞觀七年置長州十三年州廢  
隸夏州元和十五年來屬有胡洛鹽池

麟州新秦郡下都督府開元十二年析勝州之連谷銀  
地置十四年廢天寶元年復置土貢青他鹿角戶二千

四百二十八口萬九百三縣三新秦

中開元二年置七年又置鐵麟縣十

四年州廢皆省天寶元年復置新秦

連谷

中下貞觀八年以隋連谷戌

銀城

中下貞觀二年置四

年隸銀州八年隸勝州

勝州榆林郡下都督府武德中沒梁師都師都平復置

土貢胡布青他鹿角芍藥徐長卿戶四十一百八十七

口二萬九百五十二縣二

有義勇軍

榆林

中下有隋故榆林宮東有榆林關貞

觀十三

河濱

中下貞觀三年置

以縣置雲州四年曰威州八年州廢來屬東北有河濱關貞觀七

置年

豐州九原郡下都督府貞觀四年以降突厥戶置不領

縣十一年州廢地入靈州二十三年復置土貢白麥印

鹽野馬勝草駝毛褐犴戶二千八百一十三口九千六

百四十一縣二九原

中下永徽四年置有陵陽渠建中三年浚之以溉田置屯桑棗之有

咸應永清二渠貞元中刺史李景畧開溉田數百頃

永豐

中下永徽元年置麟德元年別置豐安縣天寶

未東受降城

景雲三年朔方軍總管張仁愿築三受降城寶歷元年振武節度使張惟清以東城

濱河徙置綏遠烽南

中受降城

有拂雲堆祠接靈州境有闕元和九年置又有積塞軍本可敦城天

寶八載置十二載廢西二百里大同川有天德軍大同年之西有天安軍皆天寶十二載置大德軍乾元後徙

也永濟柵故大同城也元和九年宰相李吉甫奏修復舊城北有安樂戍

西受降城

開元初為河所

圯十年總管張說於城東別置新城北三百里有礮鵲泉

單于大都護府本雲中都護府龍朔三年置麟德元年

更名土貢胡女布野馬騰草戶二千一百五十五口六

千八百七十七縣一金河

中天寶四年置本後魏道武所都有雲伽闕後廢太和四

年復置

安北大都護府本燕然都護府龍朔三年曰瀚海都督

府總章二年更名開元二年治中受降城十年徙治豐

勝二州之境十二年徙治天德軍土貢野馬勝草戶二

千六口七千四百九十八縣二陰山

上天寶元年置

通濟

上

鎮北大都護府土貢犛牛尾縣二大同

上

長寧

上

右關內採訪使以京官領

唐書卷三十七

唐書卷三十七考證

地理志一關內道商州○舊書屬山南西道

岐山注省上宜入岐山○

臣酉

按上宜入岐陽山字誤

渭州○舊書無又武州威州雄州警州舊書亦無

單于大都護府○舊書屬河南道

唐書卷三十七考證



欽定四庫全書

唐書卷三十八

宋翰林學士歐陽修撰

志第二十八

地理志

河南道蓋古豫兗青徐之域漢河南弘農潁川汝南陳留沛泰山濟陰濟南東萊齊山陽東海琅邪北海千乘東郡及梁楚魯東平城陽淮陽蕃川高密泗水等國暨

平原渤海九江之境洛陝負河而北為實沈分負河而  
南虢汝許及新鄭之地為鶉火分鄭汴陳蔡潁為壽星  
分宋亳徐宿鄆曹濮為大火分兗海沂泗為降婁分青  
淄密登萊齊棣為玄枵分滑為娵訾分濠為星紀分為  
府一州二十九縣百九十六其名山三嶠少室砥柱蒙  
嶧嵩高泰岳其大川伊洛汝潁沂泗淮濟厥賦絹絕綿  
布厥貢絲布葛席埏埴蜚缶

東都隋置武德四年廢貞觀六年號洛陽宮顯慶二年

曰東都光宅元年曰神都神龍元年復曰東都天寶元

年曰東京上元二年罷京肅宗元年復為東都

皇城長千八百

一十七步廣千三百七十八步周四千九百三十步其崇三丈七尺曲折以象南宮垣名曰太微城宮城在皇

城北長千六百二十步廣八百有五步周四千九百二十一步其崇四丈八尺以象北辰藩衛曰紫微城武后

號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據中

山左瀝石澗洛水貫其中以象河漢東西五千六百一十步南北五千四百七十步西連苑北自東城而東二

千五百四十步周二萬五千五百步其崇丈有八尺武后號曰金城

河南府河南郡本洛州開元元年為府土貢文綾繒縠

絲葛埏埴盎缶苟杞黃精美果華酸棗戶十九萬四千

七百四十六口百一十八萬三千九十二縣二十

有府三十

九曰武定復梁康城栢林巖邑陽樊王陽永嘉邵南慕善政教鞏洛伊陽懷音軹城洛汭邲鄆伊川洛泉通谷

潁源宜陽金谷王屋成臯夏邑原邑原城鵠臺函谷千秋同軌饒濟溫城具茨寶圖釣臺承雲軒帳河南

亦垂拱四年析河南洛陽置永昌縣永昌元年更河南曰合宮長安二年省永昌神龍元年復曰河南二年又

曰合宮唐隆元年復故名有洛漕新潭大足元年開以置租船龍門山東抵天津有伊水石堰天寶十載尹裴

迴置有瀼水避武宗名洛陽赤天授三年析洛陽永昌曰吉水宣宗立復故名洛陽置朱庭縣長安二年省神

龍二年更洛陽曰永偃師畿天寶七載尹韋濟以北坡呂唐隆二年復故名偃師道迂自縣東山下開新道通

孝義橋西北有故關鞏口畿有洛維氏次赤貞觀十八年省

富平津河陽故關鞏口倉維氏上元二年復置有恭

陵有和陵在太平山本懷來山天陽城世充偽令王雄

祐元年更名東南有軒轅故關陽城世充偽令王雄

來降以陽城蒿陽翟置蒿州又析三縣地置康成縣

貞觀三年州廢省康城萬歲登封元年將封嵩山改陽

城曰告成神龍元年復故名二年復為告成天祐二年

更名陽邑有測景臺開元十一年詔太史監南宮說刺

石表

唐書

三

馬登封營奉天宮分陽城緄氏復置二年省光宅元

年復置萬歲登封元年更名神龍元年曰嵩陽二年復

曰登封嵩山有中岳祠有少室山有三陽宮聖歷三年

置陸渾畿有鳴皋山伊闕陸渾山一名方山新安畿

寧二年以縣置新安郡武德元年曰穀州以熊州之浞

唐書

三

長石 **澠池** 儀鳳二年置調露二年曰避署宮永淳元年

曰芳桂宮弘 **福昌** 儀本宜陽義寧二年以宜陽澠池永  
道元年廢 寧置宜陽郡武德元年曰熊州二年

更宜陽曰富昌因隋宮為名四年以洛州之壽安隸之  
貞觀元年州廢以福昌永寧二縣隸穀州六年徙穀州

來治八年以虢州之長水隸之顯慶二年州廢以福昌  
永寧長水來屬西十七里有蘭昌宮有故隋福昌宮顯

慶三年復置 **長水** 武德元年隸虢州貞觀八年隸穀州  
有女几山 長水 儀本長洲隸弘農郡義寧元年更名

顯慶二年來屬有錫西有高 **永寧** 儀本熊耳義寧二年  
門關松陽故關鵜鵲故關 更名隸宜陽郡武德

二年以永寧崎置函州八年州廢以永寧隸熊州崎隸  
陝州西五里有崎岫宮西三十三里有蘭峯宮皆顯慶

三年 **壽安** 儀初隸穀州貞觀九年來屬西一十九里有  
置 連昌宮顯慶三年置西南四十里萬安山有

興秦宮長安四年置并析置秦興縣  
神龍二年省有錦屏山武后所名  
**密** 縣 畿武德三年以

零水洧源二縣四年州廢省零水洧源  
以密隸鄭州龍朔二年來屬有羽山  
**河清** 縣 畿本大基

置隸懷州八年省咸亨四年析河南洛陽新安王屋濟  
源河陽復置并置栢崖縣尋省栢崖先天元年更名會

昌三年隸孟州尋還屬後  
廢咸通中復置有栢崖倉  
**潁陽** 縣 本武林載初元年析

十五年更名西北有大谷故關  
倚箔山有鍾乳貞觀七年來  
**伊陽** 縣 先天元年析陸

銀銅錫伊  
水有金  
**王屋** 縣 元德元年更名邵伯隸邵州貞觀元

有王  
屋山

汝州臨汝郡雄本伊州襄城郡貞觀八年更州名天寶

元年更郡名土貢絕戶六萬九千三百七十四口二十

七萬三千七百五十六縣七

有府四曰龍興望本承魯陽梁川邾城梁休又有

梁縣在西南四十五里貞觀元年省梁更承休曰梁西南五十里有溫湯可以熟米又有黃女湯高宗置溫泉

頤有石樓山永仁山

邾城

緊

魯山

上王世充置魯州武德四年廢俄以魯山涉陽復置魯州貞觀

九年州廢省涉陽以魯山來屬有堯山有銀有漢故關

葉

緊本隸許州武德四年以縣置葉州五年州廢

隸北澧州貞觀八年隸魯州州廢隸許州開元二年以葉襄城及唐州之方城豫州之西平許州之舞陽置仙

州二十六年州廢縣還故屬未幾以葉來屬大歷四年復以葉襄城置仙州又析置仙鳧縣以許州之舞陽蔡

州之西平唐州之方城隸之五年州廢省仙鳧餘縣皆還故屬有黃城山白石山

襄城

望武德元年以



縣置汝州并置汝墳期城二縣貞觀元年州廢省汝墳  
期城以襄城隸許州開元二十七年來屬二十八年還  
隸許州天寶龍興上本端陽武德四年置貞觀元年省  
七載復來屬證聖元年析陝城魯山復置曰武興  
神龍元年更名臨汝上先天元年置有清暑宮  
中興尋又更名在鳴皋山南貞觀中置

### 右都畿採訪使治東都城內

陝州陝郡大都督府雄本弘農郡義寧元年置武德元  
年曰陝州三年兼置南韓州四年廢南韓州天寶元年  
更郡名天祐元年為興唐府縣次畿赤哀帝初復故土  
貢辭麥枯萁栢實戶三萬九百五十八口十七萬二百

# 三十八縣六

府十五曰曹陽崇樂華望安城桃林夏臺萬歲安戎河北忠孝上陽底柱夏川望陝

古陝

望有大陽故關即茅津一曰陝津貞觀十一年造亭浮梁有南北利人渠南渠貞觀十一年太宗東幸

使武侯將軍丘行恭開有陝城宮有廣濟渠武德元年陝東道大行臺金部郎中長孫操所開引水入城以代

井汲有太原倉有峴山

## 峽石

上本峭義寧二年省武德元年復置貞觀十四年移治峽石塢因更名有

底柱山山有三門河所經太宗勒銘有繡嶺宮顯慶三年置東有神崔臺天寶二年以赤崔見置

## 靈寶

望本桃林義寧元年隸號郡武德元年來屬天寶元年獲寶符于縣南古函谷關因更名有涇津義寧元年置

闕貞觀元年廢闕置津夏望本隸虞州貞觀十七年隸有桃源宮武德元年置夏絳州大足元年來屬尋還隸

絳州乾元三年復來屬

## 平陸

望本河北隸蒲州貞觀元年來屬天寶元年太守李齊物開三門以利漕

運得古刃有篆文曰平陸因更名三門西有鹽倉東有  
集津倉有瑟瑟穴有銀穴三十四銅穴四十八在覆釜  
三維五岡  
分雲等山

虢州弘農郡雄本虢郡治盧氏義寧元年析隋弘農郡

三縣置貞觀八年徙治弘農天寶元年更郡名土貢絕

瓦硯麝地骨皮梨戶二萬八千二百四十九口八萬八

千八百四十五縣六有府四曰鼎湖弘農緊本隋弘農

曰鳳林領弘農閼鄉湖城武德元年曰鼎州因鼎湖為  
名貞觀八年州廢縣皆來屬神龍初避孝敬皇帝諱曰

恒農開元十六年復故名南七里有渠閼鄉望貞觀元  
貞觀元年令元伯武引水北流入城閼鄉年來屬有

漢闕大谷闕武德二年廢有鳳陵闕貞觀元年  
年廢有軒遊宮故隋別院宮咸亨五年更名湖城望義

年置乾元三年更名天平大歷四年復舊有故隋上陽  
宮貞觀初置咸亨元年廢縣東故道濱河不井汲馬多

馮死天寶八載館驛使御史中丞宋渾開新路自  
稠桑西山晉王斜有熊耳山覆釜山一名荆山朱陽

上龍朔元年隸洛州後來屬有鐵王城上義寧  
天二年隸洛州後來屬有鐵王城上義寧盧氏上武德

南有朱陽闕  
武德八年廢

滑州靈昌郡望本東郡天寶元年更名土貢方紋綾紗

絹薦席酸棗仁戶七萬一千九百八十三口四十二萬

二千七百九縣七有宣義軍大歷七年置本永平十四  
年徙屯蔡州興元元年復還貞元元

年曰義成軍光  
啟二年更名

白馬

望  
衛南

緊  
匡城

望有長垣縣  
貞觀八年省

韋城

望王世充置  
史單宗來降復為縣  
燕州偽刺

昨城

緊武德二年置  
南燕縣四年州廢省南燕

以昨城  
來屬

酸棗

望本隸東梁州武德三年析  
置守節縣四年省貞觀八年州廢來屬

靈

昌

緊王世充置  
州世充平廢

鄭州滎陽郡雄武德四年置治虎牢城貞觀七年徙治

管城土貢絹龍莎戶七萬六千六百九十四口三十六

萬七千八百八十一縣七管城

望武德四年以管城中  
牟原武陽武新鄭置管

州并置涇水清池二縣貞觀元年州廢省涇水清池以  
管城原武陽武新鄭來屬有僕射陂後魏孝文帝賜僕

射李冲因以為名天寶六

榮陽

上天授二年析置武泰  
縣隸洛州尋省更榮陽

曰泰武萬歲通天元年復為榮陽又別置武泰縣二  
年省更榮陽曰武泰神龍元年復故名二年來屬

榮

澤

望

原武

緊本原陵唐初  
更名復漢舊

陽武

望本原武城  
武德四年置

新鄭

望

中

牟

緊本圃田武德三年更名以縣置牟州四年州  
廢隸管州貞觀元年隸汴州龍朔二年來屬

潁州汝陰郡上本信州武德四年置六年更名土貢絕

綿糟白魚戶三萬七百七口二十萬二千八百九十縣

四汝陰

緊武德初有永安高唐永樂清丘潁陽等縣六  
年省永安高唐永樂貞觀元年省清丘潁陽皆

入汝陰南三十五里有椒陂塘引潤水  
溉田二百頃永徽中刺史柳寶積修

潁上

上

下蔡

上武

德四年置渦州八年州廢西北百二十里有大崇陂八  
十里有雞陂六十里有黃陂東北八十里有涇陂皆隋  
末廢唐復之  
既田數百頃 沈丘 中本邾州領沈丘宛丘唐初州廢以宛丘隸陳州沈丘來屬後省沈丘入汝陽神龍二年復置

許州潁川郡望土貢絹薦蓆柿戶七萬三千三百四十

七口四十八萬七千八百六十四縣九長社

望本潁川隸汴州武

德四年更名來屬州又領黃臺隱疆二縣貞觀元年省  
入焉繞州郭有堤塘百八十里節度使高瑀立以既田

長葛

緊有小徑山

陽翟

本畿初隸嵩州貞觀元年來屬龍朔二年隸洛州會昌三年復來屬有其

山許昌

上

鄆陵

上

扶溝

望武德四年以縣置北陳州是年州廢隸洧川

臨潁

上

觀元年省繁昌縣入焉有講武臺本尚書臺馬  
融講書之地顯慶二年高宗大閱于此更名  
**舞陽**上本

北舞隸道州貞觀元年來屬尋  
廢開元四年復置更名有鐵  
**郾城**望武德四年以郾  
城郾陵北舞西平

置道州貞觀元年州廢省郾陵西平入郾城隸蔡州建  
中二年以郾城臨潁陳州之澠水置澠州貞元二年州

廢縣還故屬元和十二年復以郾城上蔡西平遂平置  
澠州長慶元年州廢縣還隸蔡州是年以郾城來屬

**陳州淮陽郡上土貢絹戶六萬六千四百四十二口四**

**十萬二千四百八十六縣六**有忠武軍貞元元年置  
于許州天復元年徙也宛

**丘**緊武德元年析置  
新平縣八年省  
**太康**緊貞觀元年省  
扶樂縣入焉  
**項城**上武德  
四年置

以項城鮑陽南頓澠水置沈州并置潁東縣  
貞觀元年州廢省潁東入項城以澠水來屬  
**澠水**上建  
中二



年隸潞州興元  
二年州廢來屬  
南頓上武德六年省入項城證聖元年復置曰光武以縣有光武祠名景

雲元年  
復故名  
西華上武德元年更名箕城貞觀元年省入宛丘長壽元年復置曰武城神龍元年又曰

其城景雲元年復故名有鄧門廢陂  
神龍中令張餘慶復開引潁水溉田

蔡州汝南郡緊本豫州寶應元年更名土貢珉玉棊子

四窠雲花龜甲雙距溪驚等綾戶八萬七千六十一口

四十六萬二百五縣十汝陽上蔡貞元七年析汝陽朗山縣上蔡吳房置汝南縣元和和

十三朗山上本隸北朗州貞觀元年隸蔡州  
遂平上本吳房貞觀元年省八年復置元和十

二年更名權隸唐州  
長慶元年復來屬  
上蔡緊  
新蔡中武德四年以新蔡廢信舒城置舒州貞

觀元年州廢省舒城入沈丘

**襄信**

中更曰包孚

**新息**

上武德四年以縣置息州并置淮川

長陵二縣貞觀元年州廢省淮川入真陽長陵入襄信以新息來屬有玳玉坑歲出貢玉西北五十里有隋故

玉渠渠開元中令薛務增濬溉田三千餘頃

**真陽**

上載初元年曰淮陽神龍元年復故名

**平輿**

中王世充置輿州武德七年州廢貞觀元年省入新蔡天授二年復置

**西平**

上武德初置貞觀元年省

天授二年分郾城復置尋又廢開元四年復置

汴州陳留郡雄武德四年以鄭州之浚儀開封滑州之

封丘置土貢絹戶十萬九千八百七十六口五十七萬

七千五百七十六

有宣武軍建中二年置于宋州興元元年徙屯

**浚儀**

望故縣臨李密

縣民王要漢率豪族置縣自為令高祖因之復置汴州并置小黃新里二縣貞觀元年省二縣開封望

觀元年省入浚儀延和元年析浚儀尉氏復置有湛渠載初元年引汴注白溝以通曹兗賦租有福源池本達

池天寶六載尉氏望本隸潁川郡王世充置尉州武德更名禁漁採尉氏四年廢以尉氏扶溝鄆陵置洧州并

置康陰新汲宛陵歸化四縣貞觀元年州廢省康陰宛陵新汲歸化以扶溝鄆陵隸許州尉氏來屬封丘

緊雍丘望本隸梁郡武德四年以雍丘陳留圍城襄邑外黃濟陽置杞州貞觀元年州廢省濟陽圍城

外黃以襄邑隸宋陳留緊武德四年置有觀省陂貞觀州雍丘陳留來屬陳留十年今劉雅決水溉田百頃

宋州睢陽郡望本梁郡天寶元年更名土貢絹戶十二

萬四千二百六十八口八十九萬七千四十一縣十宋

城望

襄邑

望本隸杞州貞觀九年來屬

寧陵

下邑

穀熟

上隋末縣民劉

繼叔據之武德二年置南穀州授以刺史四年州廢

楚丘

柘城

緊貞觀元年省入寧陵穀熟永

淳元年復置

碭山

上光化二年朱全忠以碭山虞城單父曹州之成武表置輝州二年置崇德軍

父

緊光化三年徙輝州來治

虞城

上武德四年置東虞州五年州廢

亳州譙郡望本譙州貞觀八年更名土貢絹戶八萬八

千九百六十口六十七萬五千一百二十一縣七譙

緊

鄆

上本隸沛郡武德四年來屬

城父

上王世充置成州世充平廢武德三年於魯丘堡置文州並置

樂城縣四年州廢為文城縣七年省入城父天祐二年更名焦夷

鹿邑

上大業十三年縣民田黑社盜

據號渦川武德三年來降復為縣

**真源**

望本谷陽乾封元年更名載初元年曰仙源神龍元年復曰真

源有老子祠天寶二年曰太清宮又有洞霄宮先天太后祠也

**永城**

上

**蒙城**

上本山桑天寶元年

更名

徐州彭城郡緊土貢雙絲綾絹綿紬布刀錯紫石戶六

萬五千一百七十口四十七萬八千六百七十六縣七

**彭城**

望秋丘治有鐵

**蕭**

上

**豐**

上

**沛**

上武德五年置

**滕**

上

**宿遷**

上本宿預隸泗州寶

應元年更名來屬

**下邳**

上武德四年以下邳郟良城置邳州貞觀元年州廢省郟良城以下邳隸泗州

人省泗州之淮陽八焉元和四年來屬

泗州臨淮郡上本下邳郡治宿預開元二十三年徙治

臨淮天寶元年更郡名土貢錦賫布戶三萬七千五百

二十六口二十萬五千九百五十九縣四臨淮

緊長安四年析

徐城

漣水

上武德四年以縣置漣州并置金城縣貞觀元年州廢省金城以漣水來屬總章元年隸

置

楚州咸亨五年復故有新漕渠南通

盱眙

緊武德四年以縣置西楚

淮垂拱四年間以通海沂密等州

州八年州廢隸楚州光宅初曰建中後復故名建中二年來屬有直河太極元年勅使魏景清引淮水至黃土

因以通

徐城

中

揚州

濠州鍾離郡上濠字初作豪元和三年改從濠土貢絕

綿絲布雲母戶二萬一千八百六十四口十三萬八千

三百六十一縣三鍾離

緊武德七年省塗山縣入馬南有故千人塘乾封中修以溉田

有塗山

定遠

緊本臨豪武德三年更名

招義

上本化明武德二年析置睢陵縣三年更化明曰招

義四年省睢陵大業末縣民馬簿盜據號化州後楊蓋德殺簿自號刺史入置濟陰縣是年來降貞觀元年廢

化州省濟陰

宿州上元和四年析徐州之符離蘄泗州之虹置太和

三年州廢七年復置初治虹後徙治符離土貢絹縣四

符離

武德四年置貞觀元年省徐州之諸陽入馬有西句山一曰石城東北九十里有隋故牌湖堤灌田

五百餘頃顯  
**虹** 中本夏丘武德四年以夏丘穀陽置仁  
慶中復修 **虹** 州又析夏丘置虹及龍亢二縣六年省

夏丘貞觀八年州廢省龍亢以虹隸泗州穀陽隸北譙  
州有銅有廣濟新渠開元二十七年採訪使齊幹開自

虹至淮陰北十八里入淮以便  
漕運既成湍急不可行遂廢 **蘄** 上顯慶元年 **臨渙** 緊

德四年以臨渙永城山桑蘄置北譙州貞觀八年增領  
穀陽十七年州廢以臨渙永城山桑隸亳州穀陽蘄隸

徐州元和  
後來屬

鄆州東平郡緊本治鄆城貞觀八年徙治須昌土貢絹

防風戶八萬三千四十八口五十萬一千五百九縣九

須昌 望貞觀八年省宿城縣入焉景龍三年復置宿城  
縣貞元四年曰東平太和四年曰天平六年省入



須壽張

緊武德四年以縣置壽州并置壽良縣五年州廢省壽良以壽張來屬有刀梁山

鄆城

年曰萬安 鉅野 望武德四年以縣置麟州五年州廢隸

州州廢

盧

緊本濟州武德四年析東平郡置隋曰濟北郡天寶元年更名濟陽郡領盧平陰長清東

阿陽穀范六縣又置昌城濟北穀城孝感冀丘美政六

貞觀元年省濟北天寶十三載郡廢以長清隸濟

平陰

州以盧平陰東阿陽穀來屬北有碣磳津故關

東阿

緊 陽穀

中都

上本平陸隸究

州天寶元年更名貞元十四年來屬

齊州濟南郡上本齊郡天寶元年更名臨淄五載又更

名土貢絲葛絹綿防風滑石雲母戶六萬二千四百八

十五口三十六萬五千九百七十二縣六歷城

上有華不注山

有章丘

上武德二年縣民李義滿以縣來降於平陵置潭州并置平陵縣以章丘亭山營城臨邑隸之

八年省營城入平陵又領臨濟鄒平貞觀元年州廢以平城亭山章丘臨邑臨濟來屬鄒平隸淄州十七年齊

王祐反平陵人不從因更名全節元和十五年省臨邑

全節入歷城省亭山入章丘有大胡山長白山臨濟

上元和十三年析德州之安德置歸化縣隸德州臨濟

太和二年來屬四年省入臨邑北有鹿角故關臨濟

上武德元年以臨濟鄒平長山高苑滄州之蒲長清

臺置鄒州八年州廢以長山高苑蒲臺隸淄州長清

隸濟州貞觀十七年來屬武德元年析置山荏縣天寶

元年曰豐齊元和十年省有牛山西南有四口關武德

中禹城上本祝阿貞觀元年省源陽縣入焉天寶元年更名

曹州濟陰郡上土貢絹綿大蛇粟葶蘆戶十萬三百五

十二口七十一萬六千八百四十八縣六濟陰緊武德四年析

置蒙澤縣貞觀元年及定陶省入焉考城上武德四年以縣置東梁州五年州廢來屬元和十四年權隸

宋州尋宛句上武德四年析置濟陽縣隸杞州貞觀元年省垂氏上武德四年置晉陽縣尋

省南華上本離狐天寶元年更名成武緊武德四年以成武及宋州之單父楚丘置戴州并置高

鄉鑿城二縣尋省高鄉鑿城八單父貞觀十七年州廢以成武來屬光化二年朱全忠表縣隸輝州

濮州濮陽郡上武德四年置土貢絹犬戶五萬七千七

百八十二口四十萬六百四十八縣五郵城緊武德四年析置永

定縣八年省緊武德四年析置濮陽緊武德八年省范緊武德二年以縣置范州五年

北有靈津關昆吾縣八年省州廢隸濟州貞雷澤上武德四年析置臨濮緊武德四年析雷澤

觀八年來屬置并置長城安丘二縣五年省長城安丘

青州北海郡望土貢仙紋綾絲棗紅藍紫草戶七萬三

千一百四十八口四十萬二千七百四縣七益都望臨

淄緊武德八年省千乘緊武德二年以千乘博昌壽光

河八年州博昌上武德八年省樂安壽光緊武德臨

廢縣來屬平二縣入焉有靈山

胸

上武德五年置八年省般陽縣入焉

北海

緊唐初營丘民汲嗣率鄉人拒賊權置杞州武德二年復

為營丘縣是年以北海營丘下密置濰州又置連永平壽華池城都東陽寒水營亭濰水汶陽膠東華宛昌安

城平十三縣六年皆省八年州廢省營丘下密入北海來屬長安中令竇瑑於故營丘城東北穿渠引白浪水

曲折三十里以溉田號寶公渠

淄州淄川郡上武德元年析齊州之淄川置土貢防風

理石戶四萬二千七百三十七口二十三萬三千八百

二十一縣四淄川

上武德元年析置長白縣六年省有鐵

長山高苑

上景

龍元年析置濟陽縣元和十五年省南有八會津

鄒平

上武德元年置

登州東牟郡中都督府如意元年以萊州之牟平黃文

登置神龍三年徙治蓬萊土貢貲布水葱席石罽文蛤

牛黃戶二萬二千二百九十八口十萬八千九縣四

平有

海軍亦曰東牟守捉

蓬萊

本黃神龍三年更名有銀山龍山

牟平

中武德四年以牟平黃置牟州

六年以登州之觀陽隸萊州麟德元年析文登復置牟平來屬有之

文登

武德四年置登州以東萊

郡之觀陽隸之六年析置清陽廓定二縣及州廢省清陽廓定以文登來屬有成山

黃

中先天元年析蓬萊

別置有

萊山

萊州東萊郡中土貢貲布水葱席石罽文蛤牛黃戶二

萬六千九百九十八口十七萬一千五百一十六縣四

有東萊守捉亦曰團結營入掖上貞觀元年省曲城當有蓬萊鎮兵亦曰挽疆兵利曲臺三縣入焉有東

海祠有鹽井二昌陽上貞觀元年省盧鄉縣入焉有銀有鐵膠東百四十里有黃銀坑貞觀初得之

水中貞觀元年省膠東縣入焉有鹽即墨中有馬山中祠山女姑山東南有堰貞觀十年令仇源築

以防淮涉水有鹽

棣州樂安郡上武德四年析滄州之陽信滴河樂陵厭次置八年州廢縣還隸滄州貞觀十七年復以滄州之厭次德州之滴河陽信置土貢絹戶三萬九千一百五

十口二十三萬八千一百五十九縣五厭次上貞觀元年隸德州

滴河中貞觀元年隸德州陽信望貞觀元年復置蒲臺緊本隸潯州貞觀六年省入高

苑七年復置景龍元年來屬渤海緊垂拱四年析蒲臺厭次置有鹽

兗州魯郡上都督府土貢鏡花綾雙距綾絹雲母防風

紫石戶八萬七千九百八十七口五十八萬六千八百八縣

十瑕丘上曲阜緊貞觀元年省八年復置乾封上本博城武德五年以博城梁父羸置東

泰州并置肥城岱二縣貞觀元年州廢省梁父羸肥城岱入博城來屬乾封元年更名乾封總章元年又曰博

城神龍元年復曰乾封有泰山有東嶽祠有梁父山亭山奕奕山云云山社首山肅然山石閭山萬里山



泗水

上

鄒

上有嶧山

任城

緊

龔丘

中

金鄉

望武德四年以金鄉方輿置金州五

年州廢縣隸戴州徙戴州來治仍析金鄉置昌邑縣八年省昌邑貞觀元年以單父楚丘隸宋州成武隸曹州

鉅野隸

魚臺

上本方輿實應元年更名元

萊蕪

中本隸淄州武

鄒州

德六年省入博城長安四年以廢嬴縣復置元和十五年省入乾封太和元年復置有鐵冶十三有銅冶十八銅坑四有錫西北十五里有普濟渠開元六年令趙建盛開

海州東海郡上土貢綾楚布紫菜戶二萬八千五百四

十九口十八萬四千九縣四朐山

上武德四年析州境置龍沮曲陽利城厚

丘新樂五縣六年改新樂曰祝其八年省龍沮曲陽入朐山利城祝其入懷仁厚丘入沭陽東二十里有永安

城北接山環城長七里以捍海東海上武德四年以縣置環州並置青山

石城贛榆三縣八年州廢省沭陽中總章元年隸泗州咸亨五年復故懷

仁中

沂州琅邪郡上土貢紫石鍾乳户三萬三千五百一十

口十九萬五千七百三十七縣五臨沂上武德四年析置蘭山臨沂昌

樂三縣六費上貞觀元年省丞上本蘭陵武德四年析縣置鄆州更名別置蘭

陵鄆城二縣貞觀元年州廢省蘭陵鄆城以丞沂水上武

來屬有鐵有陂十三畜水溉田皆貞觀以來築德五年以沂水新泰來屬有銅有沂山龍山北有穆陵關

新泰

上有  
蒙山

密州高密郡上土貢賁布海蛤牛黃戶二萬八千二百

九十二口十四萬六千五百二十四縣四諸城上有  
鹽輔

唐

上本安丘武德六年省鄆  
城縣入焉乾元二年更名

高密

上武德三年置六  
年省膠西縣入焉

莒

鹽  
上有

右河南採訪使治汴州

唐書卷三十八

唐書卷三十八考證

地理志二河南道濠州。舊書屬淮南道

唐書卷三十八考證